



**O‘ZBEKISTON RESPUBLIKASI**  
**OLIY TA’LIM, FAN VA INNOVATSIYALAR VAZIRINING**  
**BUYRUG‘I**

2023 - yil « 27 » mart 72 -son

Toshkent shahri

**Davlat oliy ta’lim muassasalarida**  
**Ta’lim sifatini nazorat qilish bo‘limlari**  
**faoliyatini takomillashtirish to‘g‘risida**

Oliy ta’lim, fan va innovatsiyalar vazirligi yig‘ilishining 2023-yil 10-fevraldagi 2-son bayoni 6.3-bandi ijrosini ta’minlash maqsadida

**BUYURAMAN:**

1. Oliy ta’lim muassasalari rektorlari va filiallar direktorlariga:

**2023-yilning 5-apreliga qadar:**

oliy ta’lim muassasalari (filial)ning Ta’lim sifatini nazorat qilish bo‘limi faoliyatini chuqur o‘rganish va qayta ko‘rib chiqish;

o‘rganish natijalariga muvofiq kasbiy kompetentligi egallab turgan lavozimiga muvofiq bo‘lmagan xodimlarni tegishli tartibda boshqa lavozimga o‘tkazish;

Ta’lim sifatini nazorat qilish bo‘limini zamonaviy bilimlarni egallagan, ilmiy salohiyatga ega va ta’lim tizimini rivojlantirishda o‘zining munosib hissasini qo‘sha oladigan kadrlar bilan to‘ldirish choralari ko‘rsin.

**2023-yilning 15-apreliga qadar:**

Ta’lim sifatini nazorat qilish bo‘limining nizomini hamda bo‘lim xodimlarining lavozim yo‘riqnomalarini zamon talablariga mos holda qayta ko‘rib chiqib tasdiqlasin.

**2023-yilning 1-mayiga qadar:**

o‘qishga qabul qilish, o‘zlashtirish, talabalar safidan chiqarish, tan olish va sertifikatlash (oliy ta’lim muassasalari talabalarining “hayot sikli”) ning barcha bosqichlarini tartibga soluvchi oldindan belgilangan, nashr etilgan va izchil qo‘llaniladigan “Akademik qoida” (amaldagi normativ-huquqiy hujjatlarga asoslangan tartib-qoidalar)ni ishlab chiqilishini ta’minlasin.

### **Har chorak yakuni bo'yicha:**

Ta'lim sifatini nazorat qilish bo'limi tomonidan oliy ta'lim muassasasi (filial)da ta'lim sifatini oshirish bo'yicha amalga oshirilgan ishlar to'g'risida vazirlikka hisobot kiritib borilishini ta'minlasin.

2. Ta'lim sifatini nazorat qilish bo'limining asosiy vazifalari etib quyidagilar belgilansin:

oliy ta'lim muassasalari va ularning filiallarida kadrlar tayyorlash sifatini nazorat qilish va monitoringini olib borish;

talabalar bilimlarining davlat ta'lim standartlariga muvofiqligini hamda talabalarining fanlarni o'zlashtirish darajasini o'rganib borish va tahlil qilish;

ta'lim sifatini ta'minlay oladigan professor-o'qituvchilar tarkibini shakllantirish, jumladan salohiyatli o'qituvchilarni tanlash, ishga qabul qilish, ularning kasbiy mahorati va malakasini oshirish imkonini beradigan (obyektiv) shaffof tashkiliy mexanizmlarni yaratish;

professor-o'qituvchilarning dars berish sifatini muntazam ravishda tahlil qilish;

oliy ta'lim muassasasini ichki baholashdan o'tkazishni tashkil etish va ichki baholash natijalari bo'yicha mavjud kamchiliklarni bartaraf etish choralari ko'rish;

o'quv jarayonini normativ-huquqiy hujjatlarda belgilangan talablar asosida to'g'ri tashkil etilganligi va HEMIS tizimidan foydalanish samaradorligini o'rganib borish (jumladan, axborot tizimiga ma'lumotlarni o'z vaqtida va to'liq hajmda kiritilganligi, kredit-modul tizimini talab darajasida tashkil etilganligi);

malaka talabalari, o'quv reja va dasturlarning kasbiy standartlar hamda mehnat bozori talablariga mos bo'lgan raqobatbardosh kadrlar tayyorlashga muvofiqligini tahlil qilish;

bitiruvchi talabalarning kadrlar bozoridagi o'rni, ularga ehtiyoj, sohaning yashovchanlik darajasi yuzasidan kengaytirilgan xulosalarni shakllantirish;

o'quv mashg'ulotlarini zamonaviy pedagogik texnologiyalar va axborot texnologiyalari asosida tashkil etilganligi, dars jarayonlari sifatining nazorati talab darajasida yo'lga qo'yilganligini o'rganib borish;

dars o'tish uchun ishlab chiqarishdan (amaliyotdan) malakali mutaxassislarni jalb etilganligini o'rganib borish;

talabalar bilimini nazorat qilish va baholashda shaffoflik va xolislikni ta'minlanganligi bo'yicha ko'rilgan choralar samaradorligini aniqlash;

professor-o'qituvchilarning malaka oshirganligi, dasturlarga fandagi yangiliklarning kiritilganligini o'rganish;

professor-o'qituvchilarga o'quv yuklamasini adolatli taqsimlanganligini tahlil qilish;

axborot-resurs markazida talaba va o'qituvchilar uchun yaratilgan sharoitlar holati, fanlar bo'yicha darsliklarning mavjudligi, talabalarga yaratilgan sharoitlarni o'rganib borish va rahbariyatga takliflar kiritish;

mustaqil ta'limni talab darajasida tashkil etilishini o'rganish va tahlil qilish (yo'riqnoma yoki uslubiy ko'rsatmalarni ishlab chiqilishi, mustaqil ta'limni tashkil etish uchun talablarni, qo'yilishi va talabalar yuklamasini shakllantirilishini ta'minlash);

oliy ta'lim muassasalarida plagiatga qarshi dasturlarni joriy etilishini ta'minlash (jumladan, akademik halollik tamoyillarini joriy etish va ko'chirmachilikka qarshi ishlarni tizimli ravishda tashkil etish);

vazirlikning topshirig'iga muvofiq, boshqa oliy ta'lim muassasalari faoliyatini o'rganishda ishtirok etish.

3. Oliy ta'limni rivojlantirish tadqiqotlari va ilg'or texnologiyalarni tatbiq etish markazi (Sh.Yakubov)ga Ta'lim sifatini nazorat qilish bo'limlari faoliyatini rivojlantirish uchun metodik yordam ko'rsatish;

oliy ta'lim muassasalari (filial) uchun yevropa hududida oliy ta'lim sifatini ta'minlash standartlari va yo'riqnomalari bo'yicha seminar-treninglar tashkil etish vazifalari yuklansin.

4. Quyidagilar:

oliy ta'lim muassasalari (filial)ning Ta'lim sifatini nazorat qilish bo'limlari to'g'ridan to'g'ri vazirlikning Ta'lim muassasalari faoliyatini tashkil etish, litsenziyalash, ta'lim sifatini ta'minlash departamenti (A.Xoliqov)ga hisobdor ekanligi;

oliy ta'lim muassasasi (filial)ning tashkiliy tuzilmasida Ta'lim sifatini nazorat qilish bo'limi bevosita oliy ta'lim muassasasi (filial) rahbariga bo'ysunishi va mazkur bo'lim faoliyatiga prorektor, dekan va tarkibiy bo'linmalar rahbarlarining aralashuviga yo'l qo'yilmasligi;

oliy ta'lim muassasalari (filial) Ta'lim sifatini nazorat qilish bo'limi rahbar-xodimlari lavozimlariga nomzodlarni vazirlik bilan kelishgan holda tayinlash belgilab qo'yilsin.

5. Mazkur buyruq ijrosining nazorati vazirning birinchi o'rinbosari K.Karimov zimmasiga yuklansin.

Vazir



I.Abduraxmonov

